

443.681
175
11

卷首

聖諭四道

進書疏一道

進書表一道

河圖七道

河圖

靳文襄公手著

呂河方畧

安瀾堂藏板

治河方畧一書 先文襄公手定而成當 文

襄公任河道總督時風飡水宿歷二十餘載其
間工程之險易物料之經營以及二守四防歲
修搶築靡不勞神運思鉅細畢舉全河大勢瞭
然于心後之治河者咸手一編爲金鑑因鐫版
年久字跡漫漶方今購是書者且踵相接也 鈞
復詳加校閱付之梓人俾 先人之清芬詒之
永久於國計民生有裨益焉

皆

嘉慶四年己未三月癸卯科舉人五世孫文鈞

謹識

聖諭

康熙四十六年奉

聖祖仁皇帝特諭吏部朕屢念河防屢行親閱凡自昔河道之源流及歷來治河之得失按圖考蹟靡不周知粵從明末寇氛決黃灌汴而洪流橫溢歲久不治迄於本朝在河諸臣皆未能殫心修築以致康熙十四五年間黃淮交敝海口漸淤河事幾於大壞朕乃特命靳輔爲河道總

督靳輔自受事以來斟酌事宜相度形勢興建堤埧廣疏引河排衆議而不撓竭精勤以自効於是黃淮故道次第修復而漕運大通其一切經理之法具在雖嗣後河臣互有損益而規模措置莫能異也至於創開中河以避黃河一百八十里波濤之險因而漕挽安流商民利濟其有功於運道民生至遠且大朕每蒞河干徧加咨訪沿淮一路軍民感頌靳輔治績者衆口如

一久而不衰夫人臣有大建樹於國家者獎勵
酬庸宜從優渥雖賜卹易名已循彝典尚應特
予褒叙賁以殊恩靳輔著加贈太子太保仍給
世職拜他喇布勒哈番用彰朝廷追美勞臣之
典爲矢忠宣力者勸欽此

雍正五年奉

世宗憲皇帝特諭朕閱治河方畧始知原任總河
靳輔昔年修築河防勞績懋著欲加恩卹以獎

勲庸據該部奏稱康熙四十六年

聖祖仁皇帝曾加特恩加贈宮保給與世職今著
再加贈工部尚書致祭一次以副朕優獎昔日
功勲之至意欽此

雍正八年奉

世宗憲皇帝上諭歷來河道總督如靳輔齊蘇勒
二人實能爲國宣勞又安百姓合於有功民社
祀典之例著尹繼善等就近相度地方爲靳輔

齊蘓勒合建祠宇令有司春秋祭祀以副朕優
獎功勲之至意欽此

雍正八年奉

世宗憲皇帝上諭洪惟

太祖

太宗創業垂統厥有一德佐命之良

世祖撫綏萬邦實多奮庸熙載之彥

聖祖臨御六十餘年其間良臣碩輔後先相望據

朕所深知者舉其一二如大學士公圖海公賴
塔大學士張英尚書顧八代馬爾漢趙申喬河
道總督靳輔齊蘇勒總督楊宗仁巡撫陳瓊等
持躬正直奉職公忠或垂節鉞之勲或勵冰霜
之操俯仰無愧爲朝野所共欽終始不渝無瑕
疵之可指似此等靖共爾位不愧古大臣之風
者正不乏人旣樹羽儀於一世宜隆俎豆於千
秋且使世世爲臣者觀感奮發知所慕效羣以

臯夔稷契共相期待則明良喜起之盛朕於斯
有厚望焉著於京城內白馬關帝廟之旁選擇
吉地特建廟宇命名賢良祠春秋以時展祀其
應入祠之員著內閣會同該部確查本朝滿漢
文武大臣才德著聞完名全節者詳慎開列具
奏請旨將來繼起之臣亦併得沾被恩光永爲
盛典欽此

恭進書疏

原任河道總督

臣

靳輔謹

奏爲奉

旨纂述治河書成恭呈

御覽仰祈

聖恩欽賜書名書序以志平成以垂永久事竊

臣
一介庸賤蒙

皇上拔置總河

指授方畧終始保全十有餘年以得兩河復
故此皆

皇上聖德格天神謀應地以故上蒼協順河伯
効靈也康熙二十三年冬

皇上南巡閱工

臣面蒙

聖諭俟河道告成之日纂述一書垂之永久
臣祇遵之下因彼時河道尚未全竣未遑纂
述今年春正月復蒙

聖駕南巡遍閱皂河中河運口高堰諸工二月
某日隨荷

特恩以河工似有成效復還臣所有銜級臣於
清江浦旅寓望

闕叩頭謝

恩外隨於本月某日拜本恭謝

天恩其前奉

旨纂書一事俟交代畢後卽行纂述情由再經

附

奏令臣交代已畢於某月某日回京晝夜校
緝歷將十餘年來

聖諭天言詳加訂繹彙成一書條分八則總皆
以發明

聖畧精微之旨之一二耳伏祈

皇上俯賜觀覽

錫之鴻名榮之